

LU MARENARE E I MUTURE

Ii sôve frechenitte e babbe mmine
Me se pertì a pesca' su la lancette,
Ma se lu mare 'n gnere più turchine,
'Ndo', (me deci'), sarbeme, damme rette!!!
Lu vinte e' forte e già lu mare cresce,
Che brutta vite pe' mecco' de pesce!!!

Beneditte lu vapôre,
Beneditte lu mutôre!
Mo' 'n ze scaze, mo' 'n ze 'ncôlle,
Pe' 'imbarca' lu jevenette;
Mo' se cale la scalette,
E la sciabbeche t'aspette!!

A timbe de la vele, fatte cónte,
De parte te veni' scarsce tre scude!
Manca a tene' le maje sempre pronte,
'Mbusse 'nda i pici', stracciate e nude!
Se peti' rescalla' dentre a lu litte
L'ome ammuiate, ma lu ievenitte?

'Mmice mo' so' 'nu segnôre,
Marenare de mutôre,
Cente scude e da magnà',
Secarette pe' fema'...
Te salute, veccejate,
Acetelle e vi' 'nnacquate!!

N' te diche quanne, pu', veni' l'immerne
'Nche i cattive timpe e le fortune...
Jere 'na vite pegge dell'inferne,
Che nen ze po' augurà probbie a nesciune:
Sempre pine de buffe e de rascine,
Baffò... te manni' vi' da la cantine!!!

Beneditte lu mutôre
Che te fa sempre cuntinte,
Isse batte 'ndà lu côre,
Nghe la piove e nghe lu vinte,
Mentre tu garde le stelle,
Pinze a case e a le fantelle!!!